

Յոյների մասնակցութիւնը պատեհապաշտութեան հետեանք է. զինոր պիտի տան, և ահա միջոցը ազատելու դրանից՝ ազատել հայերի տիրապետութիւնից :

Օտարները չեն յօժարում հրաժարել տիրապետող և արտօնեալ դառնալու մարմաջից : Նրանք ցանկութիւն ունեն ապրելու այստեղ անաշխատ, հայրենիքի պաշտպանութեան գործին անմասն, և միայն հայն է, որ պիտի տառապի, պիտի տքնի ու արիւն թափէ՝ հայրենիքը և հայրենիքի մէջ այդ օտարներին կեանքը պաշտպանելու համար. նրանց մտքից դեռ չեն դնացել մորթու տարբերութիւնները, հայը նրանց աչքում հպատակ լինելու արժանի մի ժողովուրդ է : Եթէ սա զեմոկրատական հանրապետութիւն է, ապա պիտի զեմոսը պաշտպանէ այս երկիրը. եթէ ապրում են այստեղ, ապա պիտի մասնակցեն տառապանքին ու երկրի պաշտպանութեան գործին : Իսկ եթէ կան ժողովուրդներ, որոնք մեր տառապանքն ու մեր կուրը համարում են անխորհուրդ, եթէ կան այնպիսիք, որ դեռ չեն հաշտում Հայաստանի անկախութեան հետ, ապա ճանապարհը բաց է, կարող են դնալ (ազմկալից, բռուն ծափեր) : Պէտք է յայտարարել այդ անհրաժեշտօրէն, որովհետեւ նման մտայնութեամբ ու վերարեմունքով նրանք թշնամի են մեր թիկունքում : Հայ ժողովրդի գերագոյն զօրախտութիւնն այն է, որ նա ունեցել է բազմաթիւ ճակատներ. այսօր նրա գերագոյն խնդիրն է ունենալ մի ճակատ : Թիկունքում թշնամի ունենալու պատճառով է, որ մենք թողինք Երզնկան, թողինք Կարինը, Ալեքսանդրապոլը :

Մենք կուտում ենք, կը կուենք էլի տասը տարի, բայց մեր թիկունքում գարկոզ չպիտի լինի. և թող իմանան, որ մենք անողոք կերպով կը ջախջախենք այն բոլոր տարբերին, որոնք այսուհետեւ կը փորձեն թիկունքից գարկել մեզ (որտարնիդստ ծափեր, խանդավառ ցոյցեր) :

Մեծամասնական խաչագողութեան ոչնչացումը այս հողեբանութեան արգելներն էր, ուստի, ով կը լսէ իմ խօսքերը, թող չգարմանայ : Ամենից աւելի մենք դիտենք մեր ժողովրդի տառապանքները : Ամենից աւելի մենք ենք լսել նրա հեծեծանքը, մեռնողների վերջին հռուսչը, հաղարաւոր այրիներին ու որբերի աղիողորմ կանչը. այդ մենք դիտենք, տեսել ենք ու լսել, բայց պէտք է պարզ լինի մեզ համար մի տեսակէտ. արդեօք, Յսաւի նման մենք պէտք է ծախսենք մեր անդրանիկութիւնը ոսպէ ապուրով : Կան խիստ իմաստուններ՝ իրենց քաղաքադէտ համարող մարդիկ, որոնք կարծում են, թէ ազատութիւնը ծախել իմաստութիւն է կուշտ փոքրի գնով : Պարզ պիտի լինի մեզ համար, թէ արժէ՞ որ դատապարտենք այսքան, պէտք է, որ մեր դաւակները մահանան քաղցից ու հանդիստ գաննն սաղմի դաշտում : Ժողովուրդը արդէն պատասխանեց այդ հարցերին, այժմ Հերթը հասել է մտաւորապես իմաստութեան, ու չեմ կրակածում, նա ևս պիտի ասէ թէ՛ գերադասում է լինել մերկ, լինել քաղցած, բայց ազատ ու անկախ (երկարատեւ, խանդավառ ծափեր) :

Ազգերի ազատութեան գաղափարը բուրժուական հասկացողութիւն է, ինչպէս շահաիրատում են մի քանի իմաստակներ. ազգերի ազատութիւն կը ճշմանակէ աշխատանքի ազատագրութիւն : Երբ մենք հպատակ էինք, մեր աշխատանքն էր հպատակ, ուստի ամէն մէկէլ ուսմկավար պէտք է հասկանայ, որ հայ ժողովրդին ազատելով ուսական լծից՝ ազատած կը լինենք հայ ժողովրդի աշխատանքը ուս ժողովրդի շահագործումից : Իսկ երբ մենք պաշտպանում ենք մեր ազատութիւնը Ռուսաստանի դէմ, կուզէ այն լինի բոլջեիկեան, ցարական, թէ՛ ուսմկավարական, կը նշանակէ պաշտպանում ենք հայ ժողովրդի աշխատանքի ազատութիւնը :